




Bung 2:  
**ABRAHAM**

לְאֵלֵינוּ יְהוָה יִשְׂרָאֵל שָׂדֵךְ קָרָא לְיִצְחָק וַיִּקְרָא וַיִּבְרָךְ וַיֹּאמֶר אֵלָיו  
וַיִּהְיֶיב קָרָא יוֹם אֶחָד פִּי נִי אָמַר אֵלָיו


Milempawl hi pathian ngaingai an si ding ti a zum lotu Abraham a rak um. Anih cun Pathian cu sersiamtu a si ih, milem hmgang ih biak theih lo a si ti a thei.



**“Hi milem khawpi hi suahsanaw,” tiah Pathian in a run sim.” Na innsang le hi ram hi tlansan awla khui tawkah na feh ding ti ka lo sim ding. Rampi ih pa ah ka lo tuah ding. A lo thlawsuahtu cu ka thlawsuah ding ih, a lo camtu cu ka cam ve ding. Nangmah ihsin leitlun ram hmuahhmuah in thlawsuah an si ding”.**

Abraham hi sual le thihnak siatsuahtu dingih tiamcia mi fa a si thei pei maw?

B.C. 1921 hrawng a si



Khuilam pan in ka feh ding ti a thei lo nan Abraham cun aw a theih mi hi Pathian aw a si ti a theih ruangah a thu a lung. Abraham cun milem khawpi tan in Pathian nung ka thlun ding ti a thei. Cu mi cu Abraham hrangah a tawk. Asinan a tupa Lot cu a hnenah a hruai cih.

Abraham cu Canaan ah hruai a si ih cui hmun ah Pathian in a run bia.




*Abraham, hi ram a thawknak ihsin a cemnet tiang fangsuahtu aw. Na tesinfapawl hnenah hi Canaan ram hi ka pe ding a si. Siarcawk lo tefa ka lo pe ding ih, annih cu leilungih leivut zat an si ding.*



Sarah, tefa tampi na nei ding tiah Pathian in in sim so khaw.


Pathian in na nei ding a ti.

Fa ka nei thei lo ti na thei cia, cui tlunah nau neih kum a luan zo. Ziangtin fa ka nei thei nawn ding?



Abraham cun ram a fang vivo ih a can le a cawl ih, Pathian hnenah thisensuak raithawinak a tuah. Misual thi tlak asinak thei-aw in zumnak in raithawinak a tuah.

Tuu hmang ih raithawinak in a sual a la hlo lo nan Abraham ih rinnak kha Pathian in a hmuh sawn ruangah a sualnak cu Pathian in a tuamsak.



Kumhra a rei hnuah.

Abraham, Pathian in fa na nei ding tin in sim tiah a liamcia mi kumhra ah na ti. Tu-ah kei cu kum 75 ka si ih nang cu kum 85 na si. Kan tar deuhdeuh ih tutiang fa kan neih si lo. A reiloteah nang le fa nei dingah cun na tar tuk ding fawn. Pathian hnenah ihsin na thei taktak maw?



Ka hnenah a tawng tu cu Pathian a si ko asinan ziangruangah tutiang in pe lo ti cu ka thei lo. Rampi ih pa na si ding i ti nan kei le ka tar, ka nupi le a tar fa nei thei ding kan si nawn lo, kan neih mi cu tar taksa le tuurual lawng an si.



*Tihlah Abraham, kei cu na humhimnak le na rocan ka si.*

Fa le ka nei si lo, ziang ro in pe ding?


*Sarah thawn fa nan nei ding.*



*Ra aw, Abraham, van ih arsipawl khi na siar thei le thei lo zoh hnik. Na tefapawl cu siar theih lo arsi zat an si ding.*

Na sim vekin ka parah a thleng ding ti ka zum

*I zum ruangah na rinnak cu na dingfelnakah ka lo siarsak ding. Na tefapawl cu an mai ram si lo mi ah muthar an va si ding ti cu theiaw. Sal sinak kum 400 sung an tuar hnu-ah cui ram cu nun ka sim ding ih, na tesinfapawl cu lennak maksak thawn cui ram an suahsan ding. Cuti cun hi ram ah an rakir sal ding ih, hi ram an luah ding.*



Khuihsaw tiamcia mi fa cu? Kei le nitin tarlam ka pan. Nang le ci na suah thei nawn lo mai ding. Abraham fa ka lo hrin thei lo ding.



Hi ram nunphung ih a um mi cu ka salnu in ka hrangah fa a nei thei a si.



Abraham, tu hi fa neihnak ih kan can netabik a si lo maw si? A tlai tuk hlanah hi salnu thawn fa nei mai uh. Na ci thlah a si thotho ding. Hi hi Pathian ruat mi a si. Cuti lo cun ziangtin saw rampi ih pa na si thei ding?



Hi hi tidan um sun a si.

Abraham in Pathian hnenah thla a cam ta lo. Pathian thutiam a theihnggil ih a nu pi ih aw a ngai sawn.



Ishmael a suah ah Abraham cu kum 86 a si. Ishmael a suah hnu reiloteah Abraham cu a tar tuk ih cithlah thei ding dinhmun a si nawn lo. Ishmael hi Abraham hnenih Pathian ih tiamcia mi fa a si pei maw? Asinan Pathian ih tiamcia mi fa cu Abraham le Sarah ih sungsuak fa a si.



Abraham le Sarah an tar tuk ih fa nei thei ding dinhmun a si loah teh ziangtin Pathian in a thukam a hlensuak thei ding?

Ishmael kum hleithum a si ah Abraham cu kum 99 a si ih Pathian in a run be sal.

*Abraham, ziangkim tithei Pathian ka si. Tuah dingih ka lo sim mi hmuahhmuah tuah awla sual aw hlah. A hlan ih ka lo simcia bangin na cithlah ka pungzaiter ding ih, miphun tampi ih pa na si ding. Thutiamkam na hnenih ka tuah zo vekin na tesinfa hnen tiangah ka dinsuak ding.*

Ha..Ha.. Ziangtin a cang thei ding? Kei kum 99 ka siih Sarah cu kum 89 a si zo. Ka taksa khal mithi taksa vek a si zo. Fa kan nei thei nawn lo ding. Zangfahten, Ishmael kha tiamcia mi fa si mai seh.

*Na tefapawl hnenah Canaan ram cu an kumkhua covo ah ka pe ding. Sarah in nau a pai ding ih, ka lo tiamcia vekin fa a hring ding. Anih cu miphun tampi ih pa a rung si ding.*

A cang thei pei maw? ...Cang thei ee! Minung taksa a sersiamtu Pathian in a tar tuk le a thi mi taksa khal nau nei dingin a tuahsal thei...Thungai.. Pathian in a tuah thei taktak.



Ni reiloteah, nelrawn ihsin mi pathum an hung lang. Khual lamhla tlawng an bang loih lamnai khawsung mi khal an bang fawn lo. Annih cu kum nei lo, rinsanum mi le cakzet mi an si.

Abraham in a zoh hai, a va pan ih midang an si cu a thei nan a ra lengtu/ tlawngtupawl hi leitlun minung an si lo ti cu Abraham in a thei lo.



Mi pahnih cu mithianghlim vancungmi an si ih asinan a pathumnak cu Pathian amah rori Abraham thawi an tantlang theinak dingah vancungmi hmuihmel keng in a runglang mi a si. Abraham cu anmah tawng dingin a pawksuak.



Abraham,  
na nupi Sarah  
in fapa a nei  
ding.

He...He.. He....

Kei vek pitar,  
Abraham le kei  
hnakin a tar deuh,  
nawmnak ka nei thei  
nawn ding maw si?

Sarah in fa a nei ding  
tiih Pathian ih a sim laiah  
ziangruangah Sarah  
a hni.

Ka hni lo pi.


Na hni taktak. Na  
zum lo maw si? Pathian hrangah  
thil harsa tuk a um maw si? Nau  
pawi can a kim tikah ka ra lehsal  
ding, cutin nau nan nei ding.

A si, cucu  
a theih tul  
mi a si.

Ka tuah zik mi hi  
Abraham ka sim pei maw?  
Anih cu fate tampi ih pa a si  
thlang ding ih, a neih mi a  
falepawl le a tesinfapawl ka  
thulung dingin a  
zirh ding.

Sadom le Gomorrah in  
sualnak hi a sosang tuk. An  
khawpi sung um mipa, nunau  
le nauhak ti um loin ka  
siatsuah hai ding.

Ka tupa Lot le a  
innsang khinah an  
um so khaw.



Mifel sawmnga ka hmuh ahcun khawpi pum in ka zuah ding.

Pathian in misual lakah miṭha a siatsuah lo ding. Hi khua ah miṭha sawmnga an um asile cui miṭha 50 hum dingah hi khua hi na zuah lo ding maw? Mi zate hrang thuṭhentu cun dikten ro a rel ti ka thei.

Kei cu mi bawrhhlawh ka si ih Pathian hmai ih ṭawng ding ka phu lo. Sodom khua ah mifel 45 um hai sehla, minung panga sam ruangah na siatsuah tho tho pei maw?

Mifel 45 an um ahcun ka siatsuah lo ding.

Mifel 40 lawng um hai sehla teh?

Mifel 40 an um ahcun ka siatsuah lo ding.

Ka parah na thinheng siang hram hlah awla, mifel 30 lawng um hai sehla teh?

Mifel 30 an um ahcun ka siatsuah lo ding.

Mifel 20 lawng um hai sehla teh?

Mifel 20 an um ahcun hi sualnak khawpi ka siatsuah lo ding.



Zangfahten na thinheng hram hlah aw. Tu cun a netabik ka lo sutnak a si thlang ding. Mifel 10 um hai sehla na siatsuah tho tho pei maw?

Mifel 10 na hmuh thei lo asile zangfahten ka tupa Lot kha ralrinnak in peksak thei pei maw?

Siatsuah lo ve, mifel 10 ka hmuh thei ahcun ka siatsuah hrimhrim lo ding.

Tu zan rori ah kan vungveh ding.



Vancungmi pahnih cu zam lamah cui khawpi ahcun an feh ih, Lot-ih inn lam an pan

Ka zum hnakin an sualnak a nasa zet.

Ziangruangah Pathian in rannung, nauhak ti um loih a siatsuah tumnak san ka theifiang zo.



Hey, mikhualpawl, lamzin tuan ih riah ṭih a nun ruangah nan riak lo pei. Curuangah ka inn ah rung uhla rung riakuh.

Hey! Duh an nung zet ual. Mi dangpawl kan va sim ding.





Lot, na mikhualpawl rak suahaw, kan sualpi ding.

Tlanhlo uh. Hivek thilsual tuah ding a si lo.

Sangkaa kan bauh ding ih, nangmah le na mikhual nan na sawn ding.

Ziangah a ruat aw. Ropi le cakzet ah maw a ruat awk? A va titer aw ve.

**Huat a va um ve.**

Na fanupawl kan hai lo a si. Na mikhual mipa duhnungzetpawl lawng kan duh.




Pathian in nan mit a lo cawtter.

Khuiah so an si?

Ziang a cang ti ka hmuthei nawn lo!

Zo si meisa a mitter?

Ziangvek huham a si?



Thaizing ah hi khua nan suahsan ding. Na hruai ding mi pawl khawl ralrinnak pe aw. Pathian cu miding a si ih, hivek sual a tuar nawn lo.

Thaisun ah, Pathian in hi khawpi ah van ihsin meisa a surter dingih Sadom le Gomorah ih um mi zatan an thi ding.



Zamrangaw, meisa a ra thleng mai ding. Zohman an luat lo ding.

Meisa in hi khawpi a kang tikah zohman dunglet hawi in nan zoh lo ding.




Dunglet hawi hlah uh.

E Khai -A!



A zaw law! Papa, nunu in Pathian thu a lung lo ih, ciṭhuam ah a cang.

Zoh hlah uh! Feh vivo uh.



Sodom le Gomorah ih um thilnungpawl cu cui niah an thi theh. Pathian cu a midingfel a si ih sual a hua. A hleicein nunau le nunau, mipa le mipa pawlawknak hi a hua a si. Nu le pa sualnakih nauhak tel cu sual lakih sual bik a si. Pathian in tilik thawn leitlun ka siatsuah nawn lo ding tin thu a kam nan meisa thawn ka hrem lo ding a ti lo. Neta ah cun meisa thawn a hrem ding. Sualman cu thihnak a si, taksa thihnak le meilipi ih kumkhua thihnak a si. Pathian zangfahnakin Lot cu thuṭhennak in a luat. A nupi cun Pathian ih dunglet-hawi hlah uh a ti mi cu thupi ah a ruat lo.

Sual hmuahhmuah ih man cu thihnak a si. Thu dang a um lo.




Pathian in a lo zangfah ih ka lung a awi tuk. Lot, khai khua ah khan rak thi zo ding na si nan so khaw. Pathian in nun diklo le sual a hua. Curuangah hivek mipi lak ihsin na thiarfilm aw pei.

Na nupi parih thilcang mi parah ka thin a nuam lo zet. Tu teh ziang na tuah ding?

Ka ruat cawpcawp hnik pei cu.

Lot cu a fanu pahnih thawn an feh ih, Abraham cu Pathian in malsawm thlawsuah a pe zawm thocho.



Sarah in fa a nei ding tiah Pathian in thu a kam. Abraham le Sarah in an neih nawn lo mi cahnak thar an nei thei sal.

Abraham ziang na cang? Kha ti vek nawn ih i zohnak hi a kum tel in a si zo.




Mangbangza zetin thla thum sungah Sarah cu nau a pai ti mizapi in an thei theh.



Pathian ih in sim vekin a hmin cu Isaac tiah kan sak ding ( a tican cu a hni, hniter, hnihnak ti a si). Ram tumpi ih pa a si ding.


A si, Pathian in fa ka neih ding thu in sim ah khan ka hnih i ti suak. Zo in tarkun hnu-ah mai fahniang ka pawm ding ti cu zum thei ding?

Pathian cun a thukam a kilhim ih a thukam vekin a hlensuak ringring.




Hagar ih hrin mi Abraham-ih fapa Ishamael cu kum 14 a si ih, naute suak thar cu a hua zet.

Hi nauhak aa te in I hnihsan men. Hi Egypt mi naute hi ka fapa Isaac thawn innkhat ah ka umter lo ding.




Na salnu le a fapa hi dawihlo av. Tiamcia mi fapa Isaac thawn ro an co tlang lo ding.

**Pathian in Abraham hnenah hitin a ti, "Sarah a dik a si. Hagar le Ishamael kha dawisuakaw. Ishamael cu Isaac thawn ro an co tlang thei lo ding. Hi mi thil in na riah lo siatter hlah seh. Keimah in ka lo kilkhawi ding. Ishamael cu na fapa a si ruangah amah ihsin ram tampi ka suahter ve ding. Asinan tiamcia mi tlentu, satan nehtu ding cu Ishmael hnen si loin Isaac hnen ihsin ka suahter ding"**




Ishmael cu a thanglian ih Arab rampawlih pa ah a hungcang. Arab-pawh le Judah cu unau seu (half brother) an si.

\* Isaac ih hmin sullam cu hmitu tinak a si.



Abraham cun a fapa Isaac cu thenaw thei lo khawpin a duh.

Nang hi mangbanga naute na si. Leitlun hi sual sung ihsin na runsuak pei maw?



Papa, duhnungzet mi tuunote na tuah ih hi lungthu-ah parih na ur?

**Lei le vanih Pathian cu a thianglim tuk ih kei vek misual hrang ahcun rel thei lo khawpin thianglim a si. Minung hmaisabik Adam in Pathian thu a lun lo ruangah cui ni ihsin thawkin mi hmuahruah misual kan si theh.**

Na sual asilen na thi ding tiah Pathian in Adam hnenah a ti. Asinan Adam a sual hnu-ah Pathian in ranning a that ih, savun in Eve le Adam ih ningzahnak cu a tuamsak.

Tuu ka thah ih Pathian hnenih ka hlan tikah, "kan sualnak ka thei aw ih hi sual nei lo tuu hi ka aiah a thi," tinak a si.

Isaac cu a thang vivo ih a pai Pathian rinsan nun a hunzir thlang. Abraham in a duh tukih an pahnihin raithawinak hlan dingah an feh tlang theu. Tuu cu an that ih biaktheng parah an ur.



*Abram, na fapa neihsun Isaac kha mehur thawinakah I hlanaw.*



Pathian ziangruangah so cuvek tuah i fia! Minung raithawinakah pek cu Pathian theilopawlih tuahdan a sisi! Ka fapa Isaac hmangin ram tumpi ah ka lo tuah ding na ti fawn. Ka fapa ka thah ahcun na thu kan hlensuak thei ding maw si.



Asinan nang cu Pathian na si. Ka theithiam lo nan na thu ka lung ding.



Kan fehnak ding hi nithum sung feh a si ding ih, curuangah zarhkhat hrawng kan rei ding.

Ngaihsakaw uh. Ka minung pahnih hrangah thlacammak ka nei ding so khaw.



Pa, Khinah tlang a um. Khawthim hlanah khi tawk kan thleng thei ko ding

A si, kan va feh dingih Pathian kan be dingih kan ra kirsal ding.




Pa, thing kan keng, biaktheng na tuah zo, khuiah saw raithawinak ding teh?

Isaac, na nu le kei kan tar kun hnu-ah Pathian in ziangtin a tawng ih fa in pe ti ka lo sim kha na mang lai maw? A tha, Pathian in hitin kan hnenah in simsal.



Tu-ah cun nangmah hi raithawinakih kan lo hlan a tul tin Pathian in a ti.

**Keimah maw? Pa, thungai maw?**



Kei cu roluah tu ding, miphun tampi ih pa, arsi zat ih tam cithlah tu ding a si tiah Pathian in a lo sim a si lo maw si? Tu ka thih ahcun, Pathian thutiam the ziangtin?


Pa, ziang khal sisehla Pathian thu kan lun tengteng a tul.

Ka thei lo, thihnak ihsin a lo thawhtersal lo cun....


Asinan ka thih ahcun ziangtin a cang thei ding?

Pathian in thu a tiam mi cu a tuahsuak tengteng a si ti ka zirsuak zo. Pathian in miphun tampi ih pa na si ding a lo ti ahcun na thih khal le na si ding tinak a si mai.

Meiur thawinak ding vekih a fapa meiur thawinakih vun pek ding cu Pathian thulunnak ruangah a si ti a thei ko nan cui thil cun a thin a harter ih a kut a thiater ko ding.



A fapa ih kut le ke cu a tawn ih biaktheng parah a hlum. A fa ih hngawng namte ih vun at ding lawng a tang thlang.



Rinnakih thlacamnak thawin Abraham cun a nam cu a thlir ih a vunsun ngaingai zik tikah van ihsin aw a thei:



*Abraham!  
Abraham! Naute  
kha that hlah.*




*Na faa neihsun pek  
ngam tiangin I rinsan  
taktak ti tu-ah ka thei.*



Abraham in a hei zoh tikah me (kel) hramrul lakih kaih mi a hei hmu.

Pa, zoh hnik, keimai aiawhtu dingah Patian in kel (me) in pek hi!



*Abraham, nafa neihsun tiang ui loih na tuah mi ka hmuh zo ruangah ka lo thlawsuah dingih vanih arsi zatin na tesinfa cu ka pungzaiter ding cun na tesinfa in hi ram an co ding ih, na ralpawl khal ka siatsuah theh ding. A suh lai ding mi na tefa lak ihsin pakhat hmangin leitlun pumpi cu thlawsuah a si ding.*

Pa, a nih cu zangfahtu Pathian a si, na sim vek cekki a si.



Cui canah Jacob le a fapa hleihnihpawl le an innsungsang zaten Egypt ah (sal an tannak ding hmunah) an vung feh (B.C. 1875).



Jacob ih fapa hleihnihpawl cu Israel hnam hleihnih ah an cang.



Ishmael in lalfapa hleihnih a nei ih, Arab miphun ah an rungcang.

Jacob, Isaac-ih fapa in fapa hleihnih a nei.

Ishmael  
 Abraham  
 Isaac  
 Jacob (B.C. 2065)  
 Semtirnak 21:5, 13, 24:67, 25:12-18, 21-26, 29-23-30